

A2<sup>r</sup>

---

Dem erbarn vnd für  
nemen Herman Baftian Diaken  
vnd Burger zů Marpurg 7c.  
wünfchet Juftus Alber  
ti von Volckmar  
fen Pfarher  
zů Gladen  
bach.

GNad vnnd frid  
von Gott durch Jefum  
Chriftum vnfern eynich  
en heylant. Erbarer freund vnd  
geliebter brůder inn Chrifto dem  
Herren/ Jch hab für etlichen ja  
ren vernommen vonn ewerm er  
barn ftandhafftigem gemůt/ wie  
jr luft vn̄ lieb zů der warheyt/ bil  
ligkeyt vnd gerechtigkeyt folt ha  
ben/ welchs jr auch mit leiden vn̄  
ewerm ſchaden beweißt habt/ ob  
wol das mahl etwaß mit vnuer  
ftande oder durch vnrechten be  
A ij richt

A2<sup>v</sup>

---

richt/ oder ver fürunge/ aber dan  
noch güter getrewer meynunge/  
vñ vmb liebe willen der warheyt/  
wie jr dz mal nit anders wißtet/  
Nu aber eyns beffern berichtet/  
welchs mich daß mal hertzlich er-  
frewet/ alfo auch dz ich folchs von  
ftundanfchrifftlich an ander orte  
verkundiget/ daß dar durch auch  
andere von jrem irthum fich beke-  
reten vnnd ab lieffen/ zů dem ver-  
nemme ich auch/ wie das jr euch  
Chriftlich vñ freuntlich erzeygt/  
als eynen befondern liebhaber ge-  
lerter leut vñ frommer Chriften/  
daß ich alzeit derhalbē mich eyns  
Chriftlichen gemüts zů euch verfe-  
hen hab/ Deßhalben auch begert  
kundfchafft mit euch zů haben/  
hat fich doch alters vnd fchwach-  
heyt halben nit wöllē zu tragen.  
Harte aber am letztē eyne freunt-  
liche fchrifft an euch gefand/ aber  
keyne antwort dar auff entpfan-  
gen.

A3<sup>r</sup>

---

gen. Stehe in zweuel/ ob sie an  
euch kommen sei/ oder nicht/ kan  
doch die eynigkeyt der gemüter  
mit Chriftlicher liebe vnd pflicht/  
nicht rüwen/ sie wöl sich gern mit  
seins gleichen verfelligen vnd zû-  
thun/ vnd pflegt auch folche geyst-  
liche pflicht vnd eynigkeyt der ge-  
müter/ vil krefftiger zû verbindē  
vnd zû vereynbaren dann leib-  
liche freundschaftt/ dweil ich dañ  
folche luft vnd liebe der warheyt  
vnd gerechtigkeit bei euch spüre/  
vñ mich dañ auch der vberfchwen-  
ckliche mißbrauch des Rechten vñ  
die groffe vngerechtigkeit/ mit  
verachtung Gottes forchten vñ  
liebe/ nit wenig peiniget/ sondern  
mein gemüt hefftig creutziget/ dz  
ich sehen vnd hören muß den grof-  
fen mißbrauch der warheyt vnd  
der billigkeit vnd den gewaltigē  
inbruch der vngerechtigkeit/ wel-  
ches bei vns Chriften leyder mehr

A iij dann

A3<sup>v</sup>

Straffe  
Gottes

dañ bei andern vólckern gefpürt/  
ingeriffen vnd rüchtbar ift / Der=  
halben wir auch allerley rach vn  
ftraffe Gottes des gerechten Rich  
ters von Türcken vnnd andern/  
auch von den vnfern felbs befin=  
den vnd leiden müffenn/ daß auch  
keyn trewe noch glaub/ oder doch  
gar wenig warheyt mehr auff er=  
den ift/ keyner fich gûts verfehen  
oder dem andern vertrewē darff/  
Chriftliche liebe gar verlofchenn/  
Daß auch freuel vnnd mütwill/  
fchalckheyt/ betrug vnnd lift/ vn=  
trew vnd allerley boßheyt/ vber=  
hand genommen haben/ daß fich  
arme eynfeltige fromē Chriften/  
numehr fchwerlich zuleiden vnd  
zuleben haben/ vnnd am Creutz  
ftehen müffen/ nicht vonn Jüden  
oder vonn Heyden/ fondern von  
jhren nehiften gecreutziget vnd ge  
martert werden/ Daß zubeforgē  
ift/ alle diß vbel/ am meyften da=  
her

A4<sup>r</sup>

her komme/ daß Amptleut/ Rich-  
 ter vñ Regenten/ den das Recht  
 vñnd gerechtigkeit befolhen ift/  
 vñd darzû verordnet werden/ zu  
 hanthaben/ Gott vñ fein Götlich  
 wort verachten/ nicht alle gleich  
 die gerechtigkeit volltrecken/ vñ  
 handthaben/ der vbelthat/ vn-  
 gerechtigkeit vñd boßheyt nicht  
 weren noch verhindern/ Auch  
 nach gebür nicht weiter ftraffen/  
 dann wo es jhn mag nutz bei brin-  
 gen/ Richten vñd vrteylen nach  
 gunft vñd gab/ nach anfehen der  
 perfonen/ dardurch dan allerley  
 vbelthat/ freuel / vñnd mutwil/  
 wechset vñd vberhandt nimmet/  
 daß auch die wortftraffe der Pre-  
 digen vñ Gottes wort nicht mehr  
 geachtet würt/ fonder auch (das  
 noch fchrecklicher ift) Gottes wort  
 mit getrewē Predigern veracht /  
 gefchmehet vñd verfolget werden/  
 Wie Got der Herr vber dife ding

A    iij    hefftig

Gotts  
 Wort  
 wirt ver-  
 achtet/  
 mit den  
 Predi-  
 gern.

A4<sup>v</sup>

Augufti  
nus hat  
an die  
Richter  
gepredi  
get vnd  
gefchri  
ben.

hefftig vnd vilfeltig klaget vnnd  
ftraffe drawet/ der wol von nöten  
were/ daß sie kündiger weren/ vñ  
an den tag gethon würdē weiter/  
Wie daß auch die Propheten vñ  
gtrewe lerer ernftlich dawider ge  
prediget/ gefchribenvnd geftrafft  
habē/ findet man alfo vnder vil  
andern/ eyne merckliche Predige  
bei dem Heyligen Auguftino/ die  
er zů feinen zeiten an die Richter  
gethon hat/ betrifft one zwiuel  
auch alle die/ den die gerechtigh  
keyt befolhen ift/ Derhalben wol  
auff merckens vnnd bedenckens  
werd ift/ daß auch fchade were/  
daß sie im Lateine alleyne folte  
bleiben/ vñ nit weiter bekant wer  
den/ fo doch den wãldtlichen/ deß  
Lateinß vnerfaren/ am meysten  
von nöten were die felb zů wiffen  
vnd zubetrachtē. Die lateinifchē  
Richter vnd Regentē oder Ampt  
leuthe haben nit alleyne dife/ fon  
der

A5<sup>r</sup>

---

der auch vber die maß vil ander  
ſchriffte/ in Alten vnd Newen  
Teſtamenten Gotts worts/ wöllē  
ſie die nit leſen vnd in achtung ne-  
men/ ſo werden ſie den meytſten  
ſchaden haben/ vnd zů feiner zeit  
auch jhren richter finden. Dieſe  
arbeyt/ gemelte Predige zů ver-  
teutfchen/ mit eyner Chriſtlichen  
vermanūg vñ getrewer warnūg/  
weiter auß Gottes worte/ hab ich  
euch (mein geliebter Hermā) als  
eyne liebhaber d<sup>9</sup> warheyt vñ ge-  
rechtigkeyt/ wöllē zůſchreiben/  
vnd alfo eyne geringe gaben vñ  
zeychen Chriſtlicher gunft/ wöllē  
ſchenckē/ Dunckt euch/ dz eyniger  
nutz dauon kōmen mōchte/ habt  
jr macht/ vñ auch von Gotts gna-  
den daß vermōgenn/ das ir ſie  
durch den druck auch an andere  
fromme Chriſten künt vñ mōget  
fertigen/ vnnd alfo jres ſchadens  
vnd für Seelen verluſt warnen.

A v Wo

A5<sup>v</sup>

Wo aber nicht/ fo möget jr der  
 åffin jre vngeftalte geburt wide=  
 rumb fchicken/ Wil mich hie mitt  
 ewer Chrifftlicher gunft vn̄ liebe/  
 Euch/ auch fampt den eweren/  
 vnnd allen frommen Chri=  
 ften Gott dem Herrn in  
 feine gnade befol=  
 hen haben.

Chriftlich vermanung  
 vnd getrewe warnung an from=  
 me gũthertzige Richter/ den das Recht  
 vnd Gerechtigkeyt befolhen ift. Befchri=  
 ben durch den Wolgelerten Magi=  
 ftrum Juftum Alberti von Volck=  
 marfen/ Pfarrherr zũ Gla=  
 denbach in Helffen.  
 WAn kan nit leugnen/  
 das (leider) zũ viel  
 war ift/ das Gemey=  
 ne Sprichwort daß  
 vor vilen jaren getichtet vnd ge=  
 fagt ift worden/ Daß Recht hab  
 eyne

Srpich  
 wort

A6<sup>r</sup>

eyn wächfene nafen/ das mā kōn  
ne beygen/ krümmen vnnd rich-  
ten/ wie man wil/ vnd ift der miß-  
brauch deß Rechten alfo grōblich  
ingeriffen vnd gemeyn worden/  
(yedoch an etlichen enden mehr  
dann an andern) das auch eyne  
gemeyne klage vñ plage darauß  
worden ift/ das auch weife verften  
dige leut ſchreiben vñ ſagen/ daß  
hōchſte recht ſei das hōchſte vn-  
recht. Ja nicht alleyn die verften  
digen/ ſondern auch die ſchlechtē/  
eynfeltigen/ vnuerftendigen leute  
ſolchen mißbrauch öffentlich vnd  
ſcheinbarlich mercken/ vnd auch  
zuzeiten am meyſten befinden/  
daß ſie auch auß vngedult jhren  
hon vnd ſpott damit treiben/ vnd  
ſagen/ Weiße mich den man/ ſo  
weiße ich dir das recht / dieweil ſie  
ſehen vnd ſpüren/ das nach gunft  
vnnd anſehen der perſonen das  
recht gewißen vñ gehandelt wirt.

Es

Sprich  
wortSprich  
wort

A6<sup>v</sup>

Et folten aber Richter vñ Ampt-  
leut/ den das Recht befolhen ift/  
ja billich gedencken/ vnnd all zeit  
für augen ftellen/ das fie noch ey-  
nen Oberrichter im hymel haben/  
der auch fie zû feiner zeit gwißlich  
richten würt/ vnnd jre perfonen/  
wie hoch/ wie mechtig/ wie gewal-  
tig/ wie reich/ wie weife vnnd be-  
hende fie fein/ nicht achtē noch an-  
fehen/ Wann fie aber das bedâch-  
ten vnd gleubten/ für dem Rich-  
ter vnnd Rechte forchte hetten/  
würde one zweiuel vorgemelter  
Sprichworte vnd klage nicht vō  
nōten fein/

Dem  
Gemey-  
nen  
nutz vñ  
ift vil ge-  
legē an  
Rich-  
tern

Es ift der welt vnd dem gemey-  
nen nutze ja nicht wenig gelegen  
an den Richtern vnnd Regenten  
des volcks/ daß fried/ eyntocht /  
recht vnd billigkeyt/ durch fie vnd  
jhre verwaltung beftehen möge/  
das auch boßheyt/ freuel mutwil/  
vntrew/ vnrecht/ haß vñ neid/

zwei

A7<sup>r</sup>

zwitracht vnd allerley vbelthat/  
 vñ verftörung des gemeynē nutz3s  
 durch sie verhindert werde/ vnd  
 geftrafft/ dann darzû findt sie ge-  
 fatzt/ vnd verordnet/ Des halben  
 hat sie auch Gott der Herre feins  
 Gôtlichen namens gewirdiget vñ  
 theylhafftig gemacht/ daß sie inn  
 der heyligen fchriff Götter ge-  
 nant werden/ wie hernach zum  
 theyl fol angezeygt werden/ auff  
 das sie jrhes hohenn Gottlichen  
 Ampts alzeit gedechtig fein/ vnd  
 daß alfo vñ nicht anders verwal-  
 ten vñ außrichten/ dañ wie Gott  
 felbs thûn/ richten/ vnd vrtheyln  
 würde/ wañ er da fesse/ nach dem  
 sie da an Gottes ftat fitzen vñ Got-  
 tes ampt verwalten vnd verrich-  
 ten follen/ vñ wofie des nit thûn/  
 wirt das Gott der oberfte Richter  
 vnd Herre fchwerlich vnd fchreck-  
 lich an jhnen fûchen/ Solchs wu-  
 fte vnd bedachte der fromme Kô-  
 nig

Richter  
Gottes

Merck  
hie Rich-  
ter

A7<sup>v</sup>

---

nig Jofaphat/ vnd gab der hal-  
"ben befel den Richtern vnd Ampt  
"leuten vnd vermant sie mit difen  
"worten/ Sehet zu/ was jr thut/  
"dañ jr haltet das gericht nicht dē  
"menfchen/ fonder Gott dem Her-  
"ren/ vñ er ift mit euch im Gericht/  
"Darumb laßt die forcht des Hern  
"bei euch fein/ vnd hütet euch vnd  
"thûts (verftehe das recht ift) dañ  
bei dem Herren vnferm Gott ift  
keyn vnrecht noch anfehē der per-  
fonen/ noch annimē des gefchenck  
es/ Difer Kōnig hat dife fach wol  
bedacht/ recht vñ wol vermanet/  
man kan aber bei den Prophetē  
vnnd auß jren fchrifftē fpüren/  
das es wenig geholffen hat/ vnd  
nit lange gewehret/ Nu ift leider  
zuuul waar/ das die welt vnnd  
menfchliche natur verderbt vnd  
inn dem ftande nicht blieben ift  
der gerechtigkeit/ dar in sie Gott  
gefchaffen vnd verordnet hatte/  
daß

A8<sup>r</sup>

das auch eyne gemeyne fage vnd  
klage ift bei den frommen/ vnnd  
auch niemand in abredē fein kan  
daß die welt von jaren zû jaren/  
ja vonn tage zû tage/ jhe lenger  
jhe erger/ fchnöder vnd gottlofer  
würt/ das man auch fagen muß/  
es fei vor zeiten eyn gülden welt  
geweßt/ da fie nu nit bleiern fei/  
So erfind ich das Got der Herre  
zeitlich vor ettlich taufent jaren/  
(da noch etwas vnd mehr Gottes  
forchte vnd gerechtigkeit auff er  
den war dann nu) hefftig gekla-  
get hat/ vber Richter vnd Regen  
ten der welt/ wie die fchrifft mel-  
det/ an vilen/ ja fchier an allen or  
ten/ Wie vil mehr wil dann zû vn  
fern zeiten zuklagen fein/ fonder-  
lich aber Efaie am erften ca.  
Spricht Gott der Herr/ O wie ift"  
die gleubige ftat fo gar zur hüren"  
worden/ Sie war voll rechts/ die"  
gerechtigkeit war bei jhr zur her"  
berge"

Die  
welt ihe  
lenger  
ihe bö-  
fer

A8<sup>v</sup>

---

"berg/ itzt aber mörder/ dein silber  
"ift zu schaum wordē/ dein wein ift  
"mit wasser gemengt/ deine Fürstē  
"find abtrünnig/ vnd der diebe ge  
"fellen/ sie all haben gefchenck lieb/  
"vnd trachten nach gaben/ dē ar  
"men weyfen richten sie nicht/ vnd  
"der widwen handel kommen nit  
"für sie/ darumb spricht der herfch  
"ent Herr Zebaoth/ der mechtiger  
"Israels/ Hei ich wil mich an mei  
"nen feinden ergetzen/ vnd an mei  
"nen widerfächern rechen 7c.  
Diß findt scharpffe strenge wort/  
wolte Gott das sie bedacht wür  
"den. Auch spricht Gott der Herr  
"bei dem selben Propheten am v.  
"ca. Wee den gefetzgebern vnnd  
"schreibern die vnrechte gefetz ma  
"chen vnd die vn recht vrteyl schrei  
"ben/ auff das sie die sachen der ar  
"men beygen/ vnd gewalt vben im  
"rechten der elenden/ vnder meinē  
"volcke/ das die Widwen jhr raub  
vnd

B1<sup>r</sup>

vnd die Weyfen jre beut fein müf"  
 fen. Was wolt jr thûn am tage"  
 der heymfuchunge vnnd des vn-"  
 glücks vnd verderbung die von"  
 ferne kompt/ zû wem wolt jr fli-"  
 hen vmb hilff."  
 Noch eynen andern gezeugen fü-"  
 ret auch Got zû difer fachen/ nem  
 lich Hier. am v. ca. da er fpricht"  
 Gehe durch die gaffen zû Hieru-"  
 falem/ fchawet vnd erfaret/ vnd"  
 fehet vff jre ftraffen/ ob jr yemād"  
 findet der rechtthû/ vnd nach dē"  
 glauben frage/ fo will ich jr gne-"  
 dig fein/ vn̄ wañ fie fchon fprechē"  
 bet dē lebendigē Got/ fo fchwerē"  
 fie doch falſch/ Herre deine augen"  
 fehen nach dem glauben/ Du ſchle-"  
 heft fie/ aber fie fülens nit/ du pla-"  
 geft fie/ aber fie beffern ſich nit/ fie"  
 haben eyn herter angeſicht dann"  
 eyn fels/ vnd wöllen ſich nicht be-"  
 keren/ Jch dachte aber/ Wolan/"  
 B der"

B1<sup>v</sup>

Joch vñ  
 Seyle  
 der Ge-  
 richtig-  
 keyt da-  
 mit mā  
 die Ge-  
 meyne  
 bei Rech-  
 te vnnd  
 in gehor-  
 sam zū  
 der Got-  
 feligkeyt  
 vñ aller  
 billig-  
 keyt hal-  
 ten solt/  
 Haben  
 sie am er-  
 ften vnd  
 meysten  
 gebroch-  
 en.

"der arme hauff ift vnuerftendig/  
 weis nichts vmb des Herrn weg/  
 "Jch wil zū den gewaltigen gehē/  
 vnnd mit jne reden/ die felbigen  
 "werden vmb des Herrn weg vnd  
 jres Gots recht wiffen/ Aber die-  
 felbigen all fampt hattē daß joch  
 zerbrochen/ vnd die seyle zerriffen  
 7c. Vnd darnach am selben orte  
 weiter/ Dann man findt vnder  
 meinem volcke gottlose/ die den  
 leuten ftellen/ vnd fallen zū richtē  
 sie zū fahen / wie die Vögler thun  
 mitt kloben/ vnnd jre heufere find  
 voller tücke/ wie eyn vogelbaum  
 voller Lockuōgel ift/ daher wer-  
 den sie gewaltig/ reich vn fett / sie  
 gehen mit böfen ftücken vmb/ sie  
 halten keyn recht/ Dem Weyfen  
 fordern sie feine sache nicht/ vnnd  
 helffen dē Armen nicht zum rech-  
 te/ Solt ich darüber nicht heym-  
 fuchen/ spricht der Herre/ vnd mei-  
 ne Seele solt sich nit rechen an fol-  
 chem

B2<sup>r</sup>

chem Volcke wie dis ift? Es fteht"  
 ge ewlich vnnd fcheußlich im lan-"  
 de 7c. O Gott wann werden eyn  
 mal dife vnd der gleichen ftrenge  
 worte vnd klage/ mit dem fchreck-  
 lichen drawen bedacht: Vnnd ift  
 daß am erften mercklich/ das der  
 Herre dife klage eben auff Hieru  
 falem ftellet/ Als wolt er fagen/  
 wann inn eynichem orte der welte  
 folt warheyt glaube vnd gerech-  
 tigkeyt gefucht vnd gefunden wer-  
 den/ fo folt fie da fein/ dañ fie habē  
 da Gottes wort vnd feine erkent-  
 nis für andern gehabt/ Jft aber  
 am wenigften da befunden wor-  
 den/ Vns Chriften zû einer figur  
 vnd exempel gefchrieben/ fo wir  
 inn gleicher vngerechtigkeyt vn-  
 glauben vñ vnrechten befunden  
 werden/ müffen wir auch vō Got  
 gleich vrteyl vnd gericht entpfā-  
 hen vnd gewarten.

So ift auch das in fonderheyt mer

B ij cklich/

Gerich-  
 tigkeyt  
 vnd war  
 heyt mit  
 glaubē/  
 foltē bei  
 den Chri-  
 ften für  
 andern  
 gefpürt  
 werden.

B2<sup>v</sup>

Eyd der  
Richter  
vnd  
Schöffē

cklich/ das Gott auch den eyd an-  
zihet/ welchen die Richter vnd an  
dere auff jr ampt thûn/ daß sie  
wôllen recht thûn niemand zû lie  
be noch zû leyde/ nicht vmb gunft  
noch gaben 7c. wie dann jr eyd in-  
helt/ vnnd spricht Gott offentlich  
daß sie falch schweren/ Er hat  
one zweuel die welt gekant/ vnd  
weys was sie für frucht tregt/ Es  
ift zû beforgen/ (wie man offent-  
lich spûret) das gar wenig jre eyd  
bedencken vnd dem gnug thûn/  
vnd des meyneyds sich verhûtē/  
Es spricht auch der Herre hie vō  
falfricken/ Vogelkloben vnd an  
dern tûcken vnnd listen 7c. Jft itzt  
auch der gemeyne gebrauch oder  
mißbrauch an vilen gerichtē/ wie  
man kûnte Arme eynfeltige leut  
mit list hindergehen/ daß man sie  
von jrē rechtē verführe/ vberrede/  
betriege/ verkörtze/ verlange/ ver-  
faume/ oder auch wol mit gewalt  
verhin-

Falfric-  
cke inn  
Gerich-  
ten.

B3<sup>r</sup>

werhindere/ mit allerley fahr büf  
 fe vnd ftraffe fie fchinde/ vnd fche  
 re/ Vnd wer kan die mancherley  
 lift vnnd falltricke all erzelen? In  
 fumma handelt vnd richtet man  
 mehe (wie Got klaget) nach gelde  
 nach gnoffe/ nach anfehen der per  
 fonen/ daß nach dem rechten/ das  
 ift Gots klage/ daß klagen Arme  
 leut/ Chriftliche liebe vnd threwe  
 ift auß der welt. Am fünfftē buch  
 Mofi werden verfluchet/ alle die  
 daß Recht des fremdlingen vnnd"  
 der Armen Weyfen vnnd Wid<sup>r</sup>"  
 wen beugen vñ vnrecht vrtheyln  
 Abermal eynfchrecklich worte.  
 Es führet auch die Götliche weiß  
 heyt eyn hefftige klage/ wider Re  
 genten vnd Richtere/ vñ drawet  
 jne ernftlich vnd fchrecklich im bü  
 che der Weißheyte/ Wolt Got das  
 fie daran gedencken/ vnnd fich be  
 keren vnd beffern wolten/ Dann  
 alfo ftehet da gefchrieben/ Vnge  
 B iij richtig

Deut. 27

B3<sup>v</sup>

---

Sap. 6

rechtigkeyt verwüftet alle lande/  
"vnd böß verkert leben/ ftürtzet  
die Stüle der gewaltigenn. So  
"höret nu jr Könige vnd mercket/  
lernet jr Richter auff erden/ Ne-  
"met zû ohren die jr vber andere  
herfchet/ die jr euch erhebt vber  
"die Völcker/ Dann euch ift die O-  
berigkeyt gegeben vom Herren/  
"vnd die gewalt vō hōheften/ wel-  
cher würt fragen wie jr handelt/  
"vnd forfchen was jr ordnet/ dann  
ir feid feins Reichs Amptleut / A-  
"ber jr füret ewer Ampt nit fein/  
vnd haltet keyn recht/ verwaret  
"auch nicht die gefetz der gerechtig  
keyt/ thut nit nach dem das Gott  
"der Herre geordnet hat/ Er würt  
gar greulich vnd kurtz vber euch  
"koñen/ vñ es würt gar eyn fchar  
pffgerichte gehen/ vber die Ober  
"herren/ dann den geringen wider  
fert gnade/ Aber die gewaltigen/  
"werde gewaltiglich geltrafft wer  
den

B4<sup>r</sup>

---

den/ dann Got der aller Herre ist"  
wirt keyns personē forchten/ noch  
eyniche maacht schewen/ Er hat"  
beyde die kleynen vnd groffen ge  
macht/ vnd forget für alle gleich."  
Vber die mechtigen aber/ würt  
eyn starck vnd strenge gericht ge"  
halten werden.

O Gott wie werden dise vnd der  
gleichen schriftte leyder so wenig  
bedacht/ so es doch nit drawwor  
te oder fabeln in den wind geredt  
sein/ fonder es würt Gott gewiß  
lich drüber halten/ Dañ nach dē/  
wie vorgemelt/ Gott die Regentē  
vnd Richter mit feinem Götlich  
en namen vnnd Ampte hoch ge  
wirdiget/ vnnd in sein Ampt hie  
auff erden gefatzt hat/ daß sie mit  
höchstem fleiß solchs verwalten  
follen/ wie Got selbs thun würde.  
Wo das aber nicht geschihet/ ist  
güt zů mercken/ daß sie vil schwer  
licher/ schrecklicher vn̄ verdamli

B iij cher

B4<sup>v</sup>


---

Iacobi 2  
Pfal. 82

Vnder  
dē Göt-  
tern ist  
vnder  
dē Rich-  
ern/ vñ  
Regen-  
ten.

cher in Gots vngnad vnd ltrafe  
fallen/ dañ ander leut/ Dann ge-  
richte vñ vrteyl fonder alle barm  
hertzigkeyt würt widerfaren den  
jenen die keyne barmhertzigkeyt  
beweifen/ nemlich denen/ welche  
die armen verlaffen elenden/ ver-  
achten oder verfaumen/ vñ fehen  
auff die reichen vnd gewaltigen/  
wie der heylge Apofitel Sant Ja-  
cob am felbē orte gnungfam ver-  
klert. Wider dife haben wir noch  
eyne merckliche fchrifft in dē Pfal-  
men buch fol mich auch nicht ver-  
drieffen zů Chriftlicher Verma-  
nung her zusetzen/ Also/  
Got ftehet in der gemeyne Gots/  
vñ ift Richter vnder den göttern  
wie lange wölt jr vnrecht richten  
vñnd die perfonen der Gottlofen  
für ziehen? Schaffent recht dē ar-  
men vnd dem weyfen/ vnd helffet  
dem elenden vnd dürfftigen zum  
rechten.

B5<sup>r</sup>

rechtē. Errettet den geringen vñ"  
 armē vnd erlöfet jne auß der got"  
 lofen gewalt. Aber sie laffen jnē  
 nit fagen vnd achtens nicht/ sie ge  
 hē iñer hin im finftern/ darumb  
 müffen alle grundtfeste des lands  
 fallen. Jch hab wol gefagt jr feid  
 götter vnd all zū mal kinder des  
 hōheften/ Aber ir werdet sterben  
 wie menschen/ vnd wie eyn Tyrā  
 zū grunde gehen/ O Gott mach  
 dich vff vnd richte das land/ dañ  
 du bist eyn Herr vber alle Heydē  
 In difem Pfalm thut der Pro  
 phet nicht anders dann alß ob er  
 verzweuel an der Richter beke  
 runge/ vnnd volltreckung der ge  
 rechtigkeyt/ spricht derhalbē got  
 zu letzt an/ das der den Richter  
 ftab wöll in die handt felbs nem  
 men/ vnd vrteyln die Gerechtig  
 keyt/ wie er one allen zueiuel auch  
 thun würt/ vnd teglich thut/ wer  
 daß mercken vnd verftehen kan/

B v Dañ

Hie mer  
 ck daß d<sup>o</sup>  
 weldt  
 vnd dē  
 Gemey  
 nē nutz  
 vnd wol  
 fart ann  
 Regen  
 ten vnd  
 Rich  
 tern vil  
 gelegen  
 ift.

Gott  
 würt zū  
 letzt felb  
 richten  
 müffen  
 die ge  
 rechtig  
 keyt die  
 weil es  
 fonft nie  
 mand  
 thun  
 wil.

B5<sup>v</sup>

---

Daner ift eyn Herr (spricht er) vber alle Heyden/ das ift/ vber all vnglenbige gottlofe Tyrannen/ wie mechtig od<sup>9</sup> gewaltig fie auch fein/ oder waß namens fie haben/ fie fein oder heyßen Chriften/ Jüden Türcken/ fo gehören vnd müffen fie doch vnder fein gerichte/ vñ müffen ine doch zuletzt für jhren Oberherren bekennen/ vñnd das vrteyl der gerechtigkeit von jme empfahen/ wie freuenlich fie jnen auch hie auff erden verachtet haben.

Solcher vnd der gleichen schriftte haben wir noch vber auß vill an allen ortē der heyligen schrift vñ bei allen Prophetē/ da Got ernstlich vñnd schrecklich klaget vñnd drawet/ vber den mißbrauch des Rechten vber Richter vñnd Regenten feins volcks/ welche wol von nōten vnd nutze weren zuwiffen vnd zubedencken/ auch weiter  
an

B6<sup>r</sup>

an den tag zubringen. Wem aber zuhelffen ist/ vnd der jme will radten vnd vermanen lassen/ der leßt sich wol ann diser benügenn / Das also zu verwundern ist/ das solche ernstliche vnnnd schreckliche straffe/ die Gott also manigfaltig lich drauwet/ auch oft vnnnd vil mal mit der that beweiset/ vnd die straffe volltreckt/ dannoch nicht wöllen gefchewet noch geforchtet werden.

Vnnnd daß auch noch erger vnd foflofer ist/ daß sich vill mal begibt/ das in eynem Rathe oder gericht/ eyner oder mehe/ die Gots forchte haben/ den auch Gott seine gnade ingibt/ daß sie zur billigkeyt rathen/ vñ die gerechtigkeit gern fordern wolten/ werden die von den andern gnoffeuchtigen/ vnnnd die nach gunft streben/ oder die personē anfchē vber das maul gehawen vñ angefarē/ daß maul getopffet/

keyn got  
forchte  
mehe  
auff erden.

Die got  
lofen  
wollen  
in allem  
raht dē  
fürgang  
haben.

B6<sup>v</sup>

Bei den  
Chriften  
mehe  
dañ bei  
andern  
vôlckern  
verach-  
tung der  
billig-  
keyt.

geftopffet/ das sie ſchweigen mü-  
ſen/ wie dem frommē Nicodemo  
geſchah/ Joan. am vij. cap.  
So iſt auch das leſterich vñ ſchen-  
dlich das die vngerechtigkeyt/ vñ  
der mißbrauch deß Rechten/ bei  
Jüden vñ Chriften (die doch gots  
vnd ſeins göttlichen worts erkent-  
nis billich haben ſolten) mehe ge-  
ſpürt vnd befunden würt/ dann  
bei den fremden vngleubigen hey-  
den/ welche vber jren Rechten vñ  
gerichtē nach der billigkeyt ernſt-  
licher feſter vnd ftrenglicher hal-  
ten vnd gehalten haben/ dañ ley-  
der wir thun/ wie die Hyſtorien  
gnugſam anzeygen/ daß die Rö-  
mer vorzeiten/ die Lacedemoni-  
er/ die Athenienſer/ auch ander  
Vôlcker vñ Landſchafft gethon  
haben/ die doch von Gott oder ſei-  
nem Götlichem worte vnd willen  
gar nichts gewuſt haben. Wir a-  
ber haben Gotts erkenntnis vnnd  
lein

B7<sup>r</sup>

---

sein Göttlich worte/ noch wil daß  
Recht vnnnd die gerechtigkeit bei  
vns nirgens fort.

Der fromme Heyde Jetro Mo  
se Schweger Herr/ hatte wenig er  
kenntnis von Gott/ auß seinem ey-  
gen natürlichen verstande vnnnd  
redligkeit/ so vil vñ sofer das lan-  
gen möchte/ eyn Madianiter/ A-  
ber von Gotts worte vnd willen  
hatte oder wußte er gar nichts/  
Noch so fandt er inn seiner ver-  
nunfft vnd redligkeit den raht/  
welchen er seinem Eyden Mofi  
gab/ der doch eyn für trefflicher  
Prophet war/ vnd mitt Got f lbs [sic]  
redet/ das er solte Richter vnnnd  
Amptleute verordnē/ des Volcks  
sachen zuverhören vnnnd zū ent-  
scheyden/ Solt aber sich vñsehen  
nach fromen redlichen leuten die  
Gottforchtig/ warhafftig/ vnnnd  
dem geitz feindt weren. Solchs  
konde difer außlendischer frem-  
der

B7<sup>v</sup>

Der Sa  
tan ver-  
treibt  
Richter  
vnnd  
Recht.

der Heyde für billich vnnd von  
nöten erkennen. Ach Herr Gott  
wann wirt nu nach folchen leutē  
gefehen? Vnnd wann ſchon dar-  
nach gefehen wurde/ fo verführet  
vnnd vertreibt der Satan eyn  
Heubtfeind alles Rechten vnnd  
gütenn/ die ſelbigen balde/ oder  
bringt doch zuwege/ daß jre auff  
richtig fürgeben vnnd wolmey-  
nung verhindert vnnd verftöret  
würd.

Alfo hat er auch das mal gethon  
vñ die Göttliche güte Ordnung  
Mofi/ nicht lange reyne gelaffen/  
fonder ſie balde auff jren eygen  
nutz vñ vff anfehen der perſonen  
nach gunft vnd vngunft/ gerich-  
tet vnnd angeführt/ wie man das  
auß vorgemelten vnnd andern  
ſchriefften leichtlich mercken kan/  
vnd iſt von tage zu tage yeleng-  
er ye erger worden/ welchs man  
bei dem heyligen Auguftino ſpü-  
ren/

B8<sup>r</sup>

ren kan/ der vor tauſent jaren ge  
lebt vnd gefchrieben hat/ zů wel  
cher zeit dannoch mehe Gotts for  
chte vnd ſchâme der vnbilligkeyt  
auff erden was/ dañ es leyder nu  
ift. So ift aber dannoch zů feinen  
zeiten die vngerechtigkeyt bei dē  
Richtern vnd gerichtten alfo weit  
ingeriffen/ das der heylige man/  
darüber ift bewegt worden/ vnd  
hat eyne befondere Predige an  
die Richter gethon/ ſie gar ernſt  
lich vnd grōblich angetaftet/ gar  
hefftig geltrafft/ vñ zů befferung  
vermanet. Was würde aber der  
heylige man zů vnfern zeiten ge  
ſagt vnd gethon haben/ ſo er ge  
hen vnd offentlich befunden het  
te/ das die gerechtigkeit ſo gar  
fremd/ vñ die vngerechtigkeyt ſo  
gar gemeyne ift wordē/ daß auch  
yederman jung vnd alt/ gelerte  
vnd vngelerte/ daruon wiſſen zu  
ſingen vñ zuſagē/ Das man auch  
gemey

Augu  
ſtinus.

B8<sup>v</sup>

---

gemeyne Sprichworte vnd lieder  
daruon tichtet/ das man auch die  
vngerechtigkeyt mitt gewalt ver  
tädigt vnd hand habtan vilen  
enden/ fonder alle Gots forcht vñ  
schåme.

An etlichē endē ift der gebrauch/  
aber warlicher mißbrauch deß  
Rechten/ das man vngebottē ge  
dinge helt/ inn welchem allerley  
vbelthad die gefchehē fein/ gerü  
get vñ angezeygt werdē zur ftraf  
fe vnd ift wol vnd nützlich verord  
net vñ ingefatzt/ wie aber vorge  
melt der Satan vñ der geitz all  
ding verderbt vñ alle gûte orde  
nung/ also auch dife. Das zũ zeitē  
vñ etlich mal gefchicht/ das eyn  
gotlofer verlorē menſch eynē haß  
oder vnwillen auffeynen andern  
hat/ befagt jne da mit falſchen fa  
chen/ oder die rüge fei nu wie fie  
wöll recht oder vnrecht/ ftelt der

Rent

C1<sup>r</sup>

---

Rentmeyfter oder Schultheys  
von ftundan eyn vrtheyl dar  
auff/ vngehörter fache/ was der  
jene ſchuldig ſei/ der folchs/ als  
da gerüget wird/ gethon hat:  
Vnd ſprechen alfo auch die Ri  
chter oder Scheffen vngehörter  
fache/ eyn vrteyl vnd buße dar  
auff/ Welche daß auch der Rent  
meyfter oder Schultheys aber  
mal vngehörter fache fordert/  
vnndone alle gnade vnd wider  
rede haben wil/ Laßt den ver  
klagten zu keyner antwort oder  
entſchuldigung kommen/ wann  
auch ſchon die ruge falch vnnd  
vnrecht/ auß hafs oder neide ge  
ſchehen were/ fo wil man ſie doch  
nicht widerlegt noch gerechtfer  
tigt haben/ auff daß der Ampt  
knecht Rentmeyfter oder Schul  
theys an feiner buß vnnd ſtraffe  
nit verlieffe.

C Wolt

C1<sup>v</sup>

---

Wolt ich gern wiffen/ wo das  
recht gefchrieben ftünnde/ das  
mann eynen vnuerhörter fache  
en verdammen fol? Geben doch  
die gemeynen Landrechte offent  
lichen mißsthettern gehôr vnnd  
frift/ ob fie fich verantworten/  
vnnd jhr leben erretten können/  
Ob man wolt fagen/ Es fei der  
gebrauch vnnd Landßgewon  
hey/ Jft die anntwort/ das  
Landtßgebrauch vnnd gewon  
hey/ wider offentliche gemeyne  
keyferliche gefchrieben Rechte/  
nichts vermag/ vnd keyn recht/  
fonder vnrecht vnnd mißbrauch  
des Rechten ift/ Dann das ge  
meyn recht/ Heldet alfo/ das nie  
mand vnuerhörter fache fol ver  
dampt noch verurteylt werden/  
Wer wolt fagen/ fo eyn vnfhül  
diger dermaßen verdampft wür  
de/ das folchs recht fei/ Es heißt  
im

C2<sup>r</sup>

---

im Latein Audiatur altera pars,  
daß der widerteyl auch fol ge-  
hört werden.

Wolt doch Gott der Herre/  
der all ding weyß/ dē auch nichts  
verborgen ift/ vnd in feinem vr-  
teyl nit feylen kan/ vnfer fürål-  
tern Adam vñ Euam/ darnach  
auch den todtſchleger Cain nit  
verdammten/ er ließ ſie vor zů ver-  
hór kommen/ Alfo auch mit der  
Sindtflut/ wolt er erft die ſache  
verhóren/ Jtem alfo mit den/ die  
den Thurn zů Babilonien bawe-  
ten/ Alfo auch mit den Sodomi-  
tern/ vnnd dergleichen vil ande-  
ren/ Solchs aber nicht vmb fei-  
net willen/ auff das er inn feinem  
vrteyl vnnd gericht nicht feylet/  
oder vnrecht thette/ fonder vns  
zů eyner lere vnd exempel/ Es ift  
auch nit zugleuben/ das fromm  
C ij Gott

C2<sup>v</sup>

Gottforchtige Rechtliebende Für  
ften oder Oberigkeyt folchen miß  
brauch deß Rechtenn beftetigen  
oder mit willen gefadtten folten.

Richten  
vnd  
Schöff-  
fen an et-  
lichen  
enden  
in ge-  
thon vñ  
gezeu-  
met.

An etlichen enden find die Rich-  
ter vnd Schöffren dermaffen in-  
gezeumet vnd ingethon/ daß fie  
nit anders richten noch vrtheyln  
dürffen/ dann wie es dem Ob-  
man des Gerichts gefelt/ Wenn  
dann der felb Amptman oder  
Amptknecht Schultheys oder  
wer der ift / der da von der Obe-  
rigkeyt wegen/ zum rechten fe-  
hen vnd hören/ auch handhaben  
fol/ günftig vnd geneyget ift/ der  
kan recht erlangen/ trotz Rich-  
tern vnd Schöffren daß fie ichts  
handeln/ den felben zu widder/  
Sindt auch etliche doch gefint /  
daß fie den felben Amptleuten  
gern heuchlen/ danck vnd willen  
vmb

C3<sup>r</sup>

vmb sie zuverdienen/ es komme  
vmb das Recht wie es wölle.

In Summa ist das die gemey  
ne klage Gottes vñnd der welt/  
das nach gunft vñnd gaben/ nach  
anfehenn der personen gerichtet  
vñnd geurtheylt wird/ das man  
auch oft vil mal das vrteyl vñnd  
recht verziehet vñnd auffheldt/  
dieweil man die parteyen melck  
en vñ der genieffen kan/ das der  
arm man vil mall deßhalb in  
den grundt verterben vñnd sein  
recht verliefen od<sup>9</sup> verlaffen muß/  
das fürwar kleglich vñ erbarm  
lich ist/ das bei vns Chriftē Gots  
forchte so gar in verachtung vñnd  
vergefs kommen ist/ so wir doch  
für andern Völckern in dem die  
fürtrefflichsten sein solten/ vñnd  
in der gerechtigkeit Chriftlicher  
trewe vñnd warheytt/ das zube  
C iij forgen

Gemey  
ne klage  
Gotts  
vñnd der  
welt.

C3<sup>v</sup>

Camer-  
gericht  
eyn für-  
bilde d<sup>9</sup>  
andern.

forgen ift/ wir fein in dē fruchten  
die aller hinderften/ es würde o-  
ne zweiuel der heylig Auguftinus  
(wo er folchs erlebt vnd gefehen  
hette) eyn gröber fedder inn die  
hant genommen haben/ vñ weit  
anders her aus gefaren fein/ Es  
folte billich das keyferlich Cam-  
mergericht eyn Spiegel vñ bruñ  
fein aller gerechtigkeit/ darnach  
fich alle ander gerichte vñ Richte-  
re fpiegeln vñ richten folten/ wie  
fie aber gerichtet vnd gehandelt  
haben hat man wol erfahren/ laß  
ich ander leut fagen vñ fchreiben/  
auch findt fchriffte vñ klage dar-  
uon am tage/ wie fie auch wider  
Gott vñ fein Götlich wort vñ wa-  
rē glaubē gefperrt/ vñ parteilich  
wid<sup>9</sup> die billigkeit ingelaffen habē  
So hilfft auch vnnd ftewret  
nit wenig darzû/ daß die vnge-  
rechtigkeit/ boßheyt/ vbelthat/  
freuel/

C4<sup>r</sup>

freuel/ mütwil/ fünd vnd fchande  
 vberhandt nimpt/ vnd genom-  
 men hat/ das daß geytliche ge-  
 richte/ bezwanck vnd Schwerdt  
 des Chriftlichen bans auch inn  
 eynen mißbrauch/ abfal/ vñ ver-  
 achtung kommen ift/ zů beyden  
 feiten. Die Römifchen Papiften  
 haben fich ingelaffen vnnd inge-  
 drungen mit gewalt inn allerley  
 auch weltliche fachen/ die vnder  
 jren gerichts zwanck keyns we-  
 ges gehören/ Haben aber der ma-  
 fen gehandelt/ das Arme leute  
 widwen vñ weyfen jres gerichts  
 ja fo hoch fich beklagen als der  
 andern/ dieweil fie dañ in gleich-  
 em gerichte vnd Ampte der welt-  
 lichen fein wóllen/ vnnd dann  
 auch in gleicher fchuldt vnd miß-  
 brauche deß Rechten befonden  
 vnnd erkant werden/ müffen fie  
 auch gleichs gericht vnd vr-

Geyfili-  
 che geri-  
 chte vñ  
 Recht/  
 auch in  
 eynen  
 mißbra-  
 uch kom-  
 men.

Die Pa-  
 piften.

C4<sup>v</sup>

---

teyls von Got erwarten/ vnd gehen sie der halben diese schriftte vnd sprüche Gots worts mit an/ da können sie nit fürher/ dieweil sie auch die heylfame artzedeien der bößheyt nemlich den bann also haben zuhanden vnd zu nichte gemacht.

Die Evangelischen.

Auff der andern seiten haben die Protestierenden Evangelischen den bann aufgehoben/ vñ fallen lassen/ das er auch bei denen gar in verachtung kommet/ vnd der halben niemand mehr schewet noch forchtet/ Lassen sich die Regenten vnd Potentaten düncken/ es gehe ihrer hochheit vñ Obrigkeit zu nahe/ das man sie vnderlassen mitt dem bann straffen solt/ geben für sie wollen selbs straffen/ Befehlen dann die sachen/ ihren Amptleuten/

C5<sup>r</sup>

ten. Wann aber die selbigen  
 Amptleut oder Amptknechte  
 felbs oder am ehrften fträfflich  
 fein/ oder verfaumlich/ oder sich  
 vberreden laffen/ nach gunft oder  
 vngunft handeln/ oder auch welt  
 liche leute vnd der gemeyne man  
 beffer gehör vnd gunft bei jne ha=  
 ben dann Prediger vnd Kirch=  
 endiener/ welche fie noch mit ver=  
 ächtlichen namen Pfaffen heyf=  
 fen/ Wo bleibt dann der Bann  
 vnd ftraffe der vbelthat? Dann  
 wollen die Oberhern vnd Regen  
 ten meynen es sei wol befalt vnd  
 verforget/ vnnd fehlet noch weit/  
 Nimme dich nit an du frommer  
 Amptman/ Es ift ja leyder zu=  
 uil war/ daß die wortftraffe Gots  
 worts nit mehr geachtet wirdt/  
 wo dann getrewe Prediger vnd  
 diener Gotts worts/ keyne hülffe  
 noch beiftandt haben/ muß auch

C v vbel

Wort=  
 ftraffe  
 ift in ey=  
 ne vera=  
 chtunge  
 kömen/  
 dann fie  
 hat key=  
 nen bei=  
 ftandt  
 diß das  
 felbs  
 ftraffen  
 muß.

C5<sup>v</sup>

---

vbelthat/ boßheyt / freuel vnnd  
mütwill vberhannde nemen.  
Solchs aber wolt wol eyn eygen  
büch schriftte vnd clage fordern/  
Dieweil aber die Oberherren  
vnnd Landts Regenten sich deß  
geyftlichen Gerichts vnnd recht=  
fertigung annemen/ werden sie  
auch für Gott dafür müffen  
antworten/ vnd werden sie diese  
schriftte vnnd Gotts wort/ zum  
theyle/ one zwiuel mit betreffen.

Dieweil dann vorgemelte Pre  
dige des heyligenn Auguftini/  
auch leer mercklich ift/ vnnd dem  
gemeynen Manne des Lateins  
vnuerftendigen einfeltigen leu=  
ten am meyften von nöten were  
zuwilffen/ vnd zubedencken/ Hab  
ich auß Chriftlicher pflicht vnnd  
trewe/ jne den dienft gethon/ vnd  
die Predige inns Deutfch vmb  
ge=

C6<sup>r</sup>

gefatz/ Ob noch jemandts da-  
 mit zuhelffen vnd zu raden were/  
 das er feine Seele erretten vnnd  
 heraus ziehen wolte/ gleich wie  
 eynen brandt auß dem feure/ das  
 er nit gar verbrente/ wie man  
 noch zû zeiten etliche (aber gar  
 wenig) frommer gûthertziger  
 findet/ die vil lieber das Richter  
 oder Schöffn Ampt vbergeben  
 oder ſchewen vñ ſchaden nemen/  
 dann das ſie wider jhr gewiffen  
 ſolten vrtheylen oder handeln.  
 Jch für meine perſon kenn vil  
 frommer leut die eyn abſchewen  
 haben von dem Richter Ampte/  
 vnd nit vnbillich/ dann ſie fehen  
 vnd hören wie es zû gehet/ Dis  
 weren aber wol die rechten Men-  
 ner/ die das Recht vnd die billig-  
 keyt gern gefordert fehen/ wann  
 das bei jne ftünde vnd jne gedei-  
 en möchte.

Zach. 3.

Gottfor-  
 chtige  
 leut  
 ſchewen  
 das Ri-  
 chter  
 Ampt.

Andere

C6<sup>v</sup>

---

Andere aber vnnd der meyste  
hauffe/ die nach den Emptern  
stehen vnd arbeyten/ oder auch  
sich darin dringen oder kauffen/  
die gedencken des Ampts zuge-  
nieffen/ vnnd haben das Recht  
vnd die gerechtigkeit fâle/ Die  
selbē betrifft am meysten das vor-  
gemelt Sprichwort/ Das Recht  
hab bei jne eyne wechßene Na-  
fen/ dann darauff trachten vnd  
studieren die selben/ daß sie das  
Recht beugen vnnd lencken/ daß  
sie genos daruon haben/ Denfel-  
bigē ist auch am meysten dise ver-  
manung zû Chriftlichem dienste  
beschrieben/ Ob noch jemandts  
auch von denen zû helfen vnnd  
zû rhaden were/ daß er sich wolt  
warnen lassen/ für seinem ewi-  
gen schaden vmb eyns geringen  
verginglichen genoffes willen/  
wie der Herr Chriftus spricht/

Was

C7<sup>r</sup>

Was hülffe es eynen menſchen/  
daß er aller welt gût gewünne/"  
vnd feine Seele folt ewiglich ver  
liefen/ vnd den ſchaden leiden."

Matt. 16.

Alfo werden fromme gûther  
tzige Chriſten die eyn erbar ge  
müt haben/ vnd ewiger feligkeyt  
vnnd der gerechtigkeit begierig  
ſein/ dieſe vermanung für gût  
vnd zû dancke annemen/ Die an  
dern gottlofen vñ vngerechten a  
ber/ wer den ſie nicht alleyne vera  
chten/ fonder auch wol mit füßen  
treten/ die ſelbigen muß man  
Gott befehlen/ den werdenn ſie  
mit jhrer klugheytt vnd behendig  
keytt/ mit jrem vbermüt vnnd ge  
walt/ nicht vbermeyſtern/ auch  
nicht vberweltigen/ oder auch nit  
in die lenge verachten/ er wirt ſie  
auch zû feiner zeit finden vnd ri  
chten.

Wo

C7<sup>v</sup>

---

Wo dann dife Chriftliche ver=  
manung vnd nachfolgende Pre=  
digt des heyligen Auguftini nit  
würde helffen zur befferung/  
weyß ich nit was helffen folt/  
Der gütige barmhertzige Got ge  
be feine gnade allen denen/ die der  
begierig fein durch Jefum  
Chriftum feinen Sonn  
vnfern Heyland  
vnnd aller welt  
Richter A=  
men.

FOL<sup>r</sup>